

**LED სანათების (29104 ცალი) სახელმწიფო შესყიდვის მიზნით შექმნილი სატენდერო კომისიის  
სხდომის  
ოქმი N4**

ქ. თბილისი

28 სექტემბერი 2021 წელი

**სხდომას უძღვებოდა:**

რომეო მიქაუტაძე - კომისიის თავმჯდომარე, შპს „თბილსერვის ჯგუფი“-ს დირექტორი;

**სხდომას ესწრებოდნენ:**

1. დავით ფაჩულია - კომისიის წევრი, შპს „თბილსერვის ჯგუფი“-ს დირექტორის მოადგილე (ადმინისტრაციულ დარგში);
2. დავით ჯალაღონია - კომისიის წევრი, შპს „თბილსერვის ჯგუფი“-ს დირექტორის მოადგილე (საფინანსო-ანალიტიკურ დარგში);
3. ვეფხია ბაძალუა - კომისიის წევრი, შპს „თბილსერვის ჯგუფი“-ს დირექტორის მოადგილე (გარე განათების დარგში);
4. მერაბ ჯაფარიძე - კომისიის წევრი, შპს „თბილსერვის ჯგუფი“-ს დირექტორის მოადგილე (ტექნიკურ დარგში);
5. ვლადიმერ ბადაგაძე - კომისიის წევრი, შპს „თბილსერვის ჯგუფი“-ს დირექტორის მოადგილე (დასუფთავების დარგში);
6. დავით ჩანქსელიანი - კომისიის წევრი, შპს „თბილსერვის ჯგუფი“-ს სამართლებრივი უზრუნველყოფისა და ნარჩენების მართვის დეპარტამენტის უფროსი;
7. დავით ბოდოკია - კომისიის წევრი, შპს „თბილსერვის ჯგუფი“-ს ადმინისტრაციული დეპარტამენტის უფროსი;
8. ირაკლი ჩიტაია - კომისიის წევრი, შპს „თბილსერვის ჯგუფი“-ს შესყიდვების სამსახურის უფროსი;

**სატენდერო კომისიის აპარატი**

ალექსანდრე დადიანი - სატენდერო კომისიის აპარატის წევრი, შპს „თბილსერვის ჯგუფი“-ს შესყიდვების სამსახურის უფროსის მოადგილე;

**დღის წესრიგი:**

1. **DET210000015\_02(MEP)** საჩივართან დაკავშირებით, სახელმწიფო შესყიდვებთან დაკავშირებული დავების განხილვის საბჭოს გადაწყვეტილების საფუძველზე LED სანათების (29104 ცალი) სახელმწიფო შესყიდვის მიზნით 2021 წლის 08 ივლისს გამოცხადებულ ორეტაპიან ელექტრონულ ტენდერში (**MEP210000015**) სატენდერო დოკუმენტაციის (მოთხოვნების და პირობების) ცვლილება.

**მოისმინეს:**

სატენდერო კომისიის აპარატის წევრის ალექსანდრე დადიანის გამოსვლა, რომელმაც კომისიას მოახსენა, რომ ზემოაღნიშნულ ტენდერში წინადადების მიღება იწყება 2021 წლის 29 სექტემბერს 00:00 საათზე.

**განიხილეს:**

- სატენდერო კომისიამ განიხილა DET210000015\_02(MEP) საჩივართან დაკავშირებით, სახელმწიფო შესყიდვებთან დაკავშირებული დავების განხილვის საბჭოს გადაწყვეტილება, რომლითაც სატენდერო კომისიას დაევალა გააუქმოს სატენდერო დოკუმენტაციის მე-5 პუნქტის 5.1 და 5.2 ქვეპუნქტებით გათვალისწინებული მოთხოვნები. სატენდერო კომისია აღნიშნავს, რომ არ მიიჩნევს მიზანშეწონილად აღნიშნული მოთხოვნების გაუქმებას, ვინაიდან 5.1 და 5.2 ქვეპუნქტებით გათვალისწინებული მოთხოვნების ამოღებამ შესაძლებელია გამოიწვიოს შესყიდვის ობიექტის ხარისხის დავარდნა, მაგრამ კომისია ითვალისწინებს რა სახელმწიფო შესყიდვებთან დაკავშირებული დავების განხილვის საბჭოს

გადაწყვეტილებას, 5.1 და 5.2 ქვეპუნქტებით გათვალისწინებული მოთხოვნები ამოღებული იქნება სატენდერო დოკუმენტაციიდან.

- სატენდერო კომისიამ განიხილა სატენდერო დოკუმენტაციის მე-9 პუნქტი და სახელმწიფო შესყიდვებთან დაკავშირებული დავების განხილვის საბჭოს გადაწყვეტილებაში აღნიშნული მითითებები და მიიღო გადაწყვეტილება მე-9 პუნქტი ჩამოყალიბდეს შემდეგი რედაქციით:

„შემსყიდველის მიერ ანგარიშსწორება მოხდება კვარტალურად, საბოლოო მიღება-ჩაბარების აქტის გაფორმებიდან 120 თვის (40 კვარტალი) განმავლობაში, ყოველი კალენდარული კვარტალის ბოლოს. პირველი ოთხი კვარტალის განმავლობაში ანგარიშსწორება განხორციელდება მოწოდებული სანათებით მიმდინარე კვარტალის ბოლომდე მიღებული ეკონომიის შესაბამისად, ხოლო დარჩენილი თანხის გადახდა განხორციელდება პროპორციულად, დარჩენილი პერიოდის განმავლობაში (ყოველი კვარტალის ბოლოს). შემსყიდველის მიერ ანგარიშსწორება დაიწყება მხოლოდ საბოლოო მიღება-ჩაბარების გაფორმების შემდეგ.

შენიშვნა: შემსყიდველი იღებს ვალდებულებას დაამონტაჟოს 100 (ასი) ცალი სანათი დღე-ღამეში (24 საათი).

გამარჯვებულ პრეტენდენტთან ხელშეკრულება გაფორმდება ლარში ან უცხოურ ვალუტაში (აშშ დოლარი ან ევრო) შემსყიდველის მიერ სისტემაში ატვირთული წერილობითი მოთხოვნით, პრეტენდენტის მიერ წარმოდგენილი წინადადების მიღების დასრულების დღეს ეროვნული ბანკის მიერ დაფიქსირებული ოფიციალური გაცვლითი კურსის შესაბამისად დაკორექტირებული ფასების ცხრილის (აშშ დოლარში ან ევროში) მიხედვით, ხოლო ანგარიშსწორება განხორციელდება ეროვნულ ვალუტაში, გადახდის დღეს ეროვნული ბანკის მიერ დაფიქსირებული ოფიციალური გაცვლითი კურსის შესაბამისად.”

- სატენდერო კომისიამ განიხილა სატენდერო დოკუმენტაციის მე-10 პუნქტი და სახელმწიფო შესყიდვებთან დაკავშირებული დავების განხილვის საბჭოს გადაწყვეტილებაში აღნიშნული მითითებები. სატენდერო კომისიას შპს „თბილსერვის ჯგუფი“-ს საჭიროებიდან და აღნიშნული ტენდერის საშუალებით შესყიდვის მიზნიდან გამომდინარე მიუღებლად და არა მიზანშეწონილად მიაჩნია სატენდერო დოკუმენტაციის თვლად კრიტერიუმად განისაზღვროს და რაიმე ხვედრითი წონა მიაანიჭოს პრეტენდენტის მიერ ხელშეკრულების ლარში დადების შესაძლებლობას ან/და სანათების 10 წელზე მეტი გარანტიის შემოთავაზებას. აღნიშნული შესყიდვის მთავარი მიზანი და პრიორიტეტია ისეთი სანათების შესყიდვა, რომლებსაც ექნება ეკონომიურობის მაღალი მაჩვენებელი (ეფექტურობა), აქედან გამომდინარე კომისია მიიჩნევს, რომ ხელშეკრულების ლარში დადების შესაძლებლობას ან/და სანათების 10 წელზე მეტი გარანტიის შემოთავაზებას არა აქვს კავშირი სანათების ეკონომიურობის მაჩვენებელთან (ეფექტურობასთან) პირიქით აღნიშნული კრიტერიუმების დამატებით და ხვედრითი წონის მინიჭებით შემსყიდველმა შესაძლოა მიიღოს უფრო დაბალი ეკონომიურობის მაჩვენებლის (ეფექტურობის) სანათები, მაგალითად: შესაძლოა გაიმარჯვოს პრეტენდენტმა, რომელმაც შემოთავაზებაში ყველაზე მაღალი შეფასება (ქულა) ხვედრითი წონების მიხედვით მიიღო იმის ხარჯზე, რომ სატენდერო წინადადება ჰქონდა, რომელშიც ყველაზე დიდი საგარანტიო ვადა, დაბალი ფასი და ხელშეკრულების ლარში დადება შესთავაზა შემსყიდველს და ამ დროს ეკონომიურობის მაჩვენებელი (ეფექტურობა) შემოთავაზებული ჰქონდა მინიმალური. როგორც უკვე აღნიშნა სატენდერო კომისიამ ვიანიდან აღნიშნული შესყიდვის მთავარი მიზანი და პრიორიტეტია ისეთი სანათების შესყიდვა, რომლებსაც ექნება ეკონომიურობის მაღალი მაჩვენებელი (ეფექტურობა), არ არის მიზანშეწონილი, რომ თვლად კრიტერიუმად განისაზღვროს და რაიმე ხვედრითი წონა მიაანიჭოს

პრეტენდენტის მიერ ხელშეკრულების ლარში დადების შესაძლებლობას ან/და სანათების 10 წელზე მეტი გარანტიის შემოთავაზებას.

- სატენდერო კომისიამ განიხილა სატენდერო დოკუმენტაციის მე-14 პუნქტის მოთხოვნა ვიზრაციის (G ნიშანი) ტესტ ანგარიშთან დაკავშირებით და სახელმწიფო შესყიდვებთან დაკავშირებული დავების განხილვის საბჭოს გადაწყვეტილებაში აღნიშნული მითითებები. როგორც უკვე კომისიამ აღნიშნა 2021 წლის 08 ივლისის ოქმი N1-ში 2G ვიზრაციის ნიშანი არის სტანდარტული დაცვა, რომ სანათი ვიზრაციის შედეგად არ დაზიანდეს და არ წარმოადგენს რაიმე განსაკუთრებულ მოთხოვნას სპეციალური ადგილებისთვის, ისეთ ადგილებში სადაც მაღალი ვიზრაციის საშიშროებაა (მიწისძვრა, ქარიშხალი, შტორმი და ა.შ.) მოითხოვება 3G და უფრო მაღალი ვიზრაციის ნიშნები და ეს მოთხოვნა არ ზღუდავს კონკურენციას და არ არის წინააღმდეგობაში სახელმწიფო შესყიდვების კანონის არცერთ მუხლთან და არის შპს „თბილსერვის ჯგუფი“-ს საჭიროების სრულად ადეკვატური. ვინაიდან უნდა განხორციელდეს საკმაოდ მასშტაბური პროექტი და ქალაქ თბილისში გამოიცვალოს ყველა გარე განათების სანათი, კომისიას მიაჩნია მიზანშეწონილად, რომ სანათებს ჰქონდეს ვიზრაციისგან დაცვა, რაც რა თქმა უნდა ნიშნავს უფრო მარალი ხარისხის სანათს. რაც შეეხება წყაროზე თუ სპეციალისტებზე დაყრდნობას, კომისია ეყრდნობა შპს „თბილსერვის ჯგუფი“-ს გარე განათების დეპარტამენტის თანამშრომლების გამოცდილებას და კომპეტენტურ აზრს, რომლებსაც გარე განათების სფეროში აქვთ ბევრი წლის გამოცდილება და ასევე ბაზრის კვლევის ეტაპზე გაიარეს კონსულტაციები სხვადასხვა საერთაშორისო (სანათების წარმოებაში გამოცდილ) კომპანიებთან.
- სატენდერო კომისიამ განიხილა სატენდერო დოკუმენტაციის შემდეგი დოკუმენტი: „LED სანათებიდან მიღებული ეკონომიურობის მაჩვენებელი (ეფექტურობა) (ფორმულა) დანართი N4“ და გადაწყვიტა აღნიშნული დოკუმენტის მე-6 პოზიციის ჯამური ლუმენი ერთ სანათზე შეიცვალოს და ჩამოყალიბდეს შემდეგი რედაქციით: „23000 $\pm$ 5%“.

## კომისიამ დაადგინა:

სატენდერო კომისიამ ზემოაღნიშნულთან დაკავშირებით დაადგინა შემდეგი:

ორეტაპიანი ელექტრონული ტენდერის (MEP210000015) სატენდერო დოკუმენტაცია შეიცვალოს და ჩამოყალიბდეს შემდეგი რედაქციით: იხილეთ სახელმწიფო შესყიდვების სააგენტოს ერთიან ელექტრონულ სისტემაში ატვირთული დოკუმენტები: „სატენდერო დოკუმენტაცია (29104 ცალი) კორექტირებული 28.09.2021“ და LED სანათებიდან მიღებული ეკონომიურობის მაჩვენებელი (ეფექტურობა) (ფორმულა) დანართი N4 კორექტირებული 28.09.2021.

სატენდერო კომისიის თავმჯდომარე

რ. მიქაუტაძე

სატენდერო კომისიის წევრები

დ. ფაჩულია

დ. ჯალაღონია

ვ. ბაძაღუა

მ. ჯაფარიძე

ვ. ბადაგაძე

დ. ჩანქსელიანი

დ. ბოდუკია

ი. ჩიტაია

სატენდერო კომისიის აპარატის წევრი:

ა. დადიანი